



櫟蔭先生遺說

上下合冊

十武  
477





門中武  
477

櫟陰先生遺說卷上

男元堅 謹錄



先君子著書之富，從來醫家無出其右，皆醫林鴻寶，而其利人  
 生，尤布帛菽粟然。將逐部附櫟，今錄其目如左：素問識八卷，  
 四靈樞識六卷，傷寒論輯義七卷，金匱玉函要畧輯義六卷，扁  
 鵲倉公傳彙攷一卷，素問解題一卷，附雜經脈學輯要三卷，舊  
 彙粹觀聚方要補十卷，救急選方二卷，痧疹輯要方一卷，櫟窓類  
 鈔五十卷，附錄醫賸三卷，一卷櫟陰文集五卷，共十三部，百一卷，內  
部已刊行，其未脫稿者，有醫方挈領、炮灸錄、挨穴輯要、病名沿革攷  
 病名纂、病名紺珠辨証錄、傷寒類脈、麻疹心得、醫籍攷、聿修堂

麻疹纂類



架藏志本朝匡說奇方彙編梟中鏡等若干卷自餘校勘諸書  
不勝枚舉元堅典伯氏做義門何氏為讀書記數十卷蓋架藏  
志實為絕筆若使天永其年更所撰述亦當何如嗚呼哀哉  
素問解題天明丁未刊其板早燼傳佈稍稀近撰素問識復為  
訂補以冠其首然所附刻難經解題人難得見因全錄之八十  
一難之名昉見張仲景傷寒自序而梁七錄有黃帝眾難經之  
目見隋經籍志蓋眾乃八十一之謂集註題曰黃帝八十一難經本  
義無黃帝八十一字非其舊也其以黃帝冠者正典內經同素問  
離合真邪論九九八十一篇以起黃鐘數為  
古書多以是為數素靈老子皆然  
難是問難之義帝王世紀云黃帝命雷公岐伯論經脈旁通問

難八十一為難經事物紀原蕭吉五行大義李善註文選卷七並引此  
經文云黃帝八十一問曰可以証為文獻通考陳氏云難當作  
去聲滑壽亦從之或讀為平聲非也按唐藝文志有耆婆八十  
四問許詠六十四問蓋本  
此經字之義見素問解題

此經不詳何人作隋以上則附之于黃帝唐而降則屬之于秦  
越人隋經籍志云黃帝八十一難二卷蓋原于帝王世紀之說  
也楊玄操云秦越人之所作也王勃云秦越人始定立章句王勃  
難經序見文苑英華其文迂惟可疑舊唐經籍志云黃帝八十一難經一卷秦  
越人撰按開元中張守節作史記正義於扁鵲傳首引楊玄操  
難經序文則楊玄操開元以前人而其屬秦越人者豈創于楊



玄操欵司馬遷云天下今言脉者由扁鵲蓋論脉莫精於雜經則其說之所以起也夫世紀之書閱類書所引虛實相半雜以取信扁鵲所作唐而上無說實為可疑矣雖然八十一雜其目已見于仲景自序而叔和脉經士晏甲乙徃徃引其文則漢以上之人所撰要之不失為古醫經亦何必論其作者胡應麟云班志扁鵲有內經九卷外經十二卷或即今雜憑以上二條宜與滑氏彙攷

考參醫經之有註莫先於此書焉楊玄操去吳太醫令呂廣為之註解惜今不傳而宋王惟一集註頗收其說則幾乎所謂名亡而實不亡者亦幸哉熊均醫學源流云按名醫圖有呂博無呂廣

予疑博即廣也某按隋志云梁有黃帝衆雜經一卷鄭樵藝文畧作二卷

呂博望註亡太平御覽載玉匱鍼經序云呂博少以醫術知名善診脉論疾多所著述吳赤烏二年為大醫令撰玉匱鍼經及

註八十一雜經大行于世疑呂博望即呂博也魏張揖作廣雅隋曹憲為之音解避煬帝諱更名博雅以之推之其人本名

廣其為博者蓋係于隋人所易豈甘氏名醫圖偶不及改之也其所註本佚于隋而見于唐併揚氏疏以傳于宋文獻通攷呂

雜經五卷晁氏曰秦越人撰吳呂廣註唐揚玄操疏至于惟一兼數家之義以作集註其功偉矣近代我邦本義盛行集註遂晦良可慨也因言及此

三十歲時所撰著攷証荒疎徐大椿雜經經叙序云其曰秦文詞鄙俚深慚甲子仲冬某記



越人著者始見于新唐書藝文志蓋不可定然矣而漢以前書云

吳文正公澄曰昔之神醫秦越人八十一難後人分其八十一為十三篇予嘗嫌其分篇之未當釐而正之其篇凡六一一至二十二論脈二十三至二十九論經絡三十至四十七論藏府四十八至六十一論病六十二至六十八論穴道六十九至八十一論鍼法夫秦氏之書與內經素靈相表裏而論脈論經絡居初豈非醫之道所當先明此者歟予喜讀醫書以其書之比他書最古也贈醫士章伯明序按吳氏六篇視之於揚氏十三類條理區別甚為的當元以後註難經者慮數十家未有表章者聊錄

溫惡濕

備他日之研揣云寬政壬子仲春十八日

元堅曰以上二則係補續

瘥病所因論 甲乙經曰剛瘥太陽中風感寒溫者也病源候論千金方並云風邪傷於太陽經復遇濕則發瘥也予切疑濕主濡之為有已濕而筋脈拘急之理乎古今註傷寒論金匱要略者盡宗其說無復異論焉特至明張介賓則云病在筋脈筋脈拘急所以反張其病在血液血液枯燥所以筋脈拘攣也清柯琴亦云瘥以狀命名因血虛而筋急耳六氣為患皆足以致瘥然不熱則不燥不燥則不成瘥瘥之屬燥無疑也予因謂瘥之所因感于寒濕之者誤也攷之經文張氏柯氏所論似得其旨經曰太陽病發汗過多因致瘥又曰風病下之則瘥又曰瘡



家雖身疼痛不可發汗汗出則瘥又曰瘥病有灸瘡難治又曰  
新產血虛多汗出喜中風故令病瘥合此數條觀之瘥之因於  
風也燥也寒也血液枯竭也昭之矣蓋燥於六氣中而不獨行  
其化必兼乎風寒故秋冬之時風以燥寒以收草木凋落凡物  
之有滋液而柔軟者莫不乾且鞭可以知也若其人素津液不  
足而屬表實者更感于風寒則為剛瘥乃葛根湯所主其入胃  
而胃家燥實則大承氣湯所療若其人津液不足而屬表虛者  
更感于風寒則為柔瘥乃括萎桂枝湯所主不啻表虛裏氣亦  
虛者活人附木散聖濟附子散並瘥病門桂枝附子湯芍藥甘草附  
子湯真武湯三方張璐用之主瘥病之屬所理若果由於寒濕則仲景宜用

麻黃加朮湯麻黃杏仁薏苡甘草湯之屬而不議葛根括萎芒  
硝之類清燥潤下之藥故知瘥之為病如張柯二氏所論內因  
之燥籍外因之風寒而發也或曰如子言是則是矣然金匱原  
文明言寒濕相得內經亦云諸瘥強直皆屬于濕聖賢垂訓豈  
可廢乎予忘之曰金匱要畧云若發其汗者寒濕相得其表益  
虛即惡寒甚十七字傷寒論玉函經脈經並無之是他篇錯簡  
誤入于此者必非瘥之義也氣厥論曰肺移熱於腎傳為柔瘥  
蓋不熱則不燥故單云熱云耳內經論瘥之所因僅是而已其  
云屬于濕者運氣家之言而非內經之舊文也前哲不知金匱  
十七字之羨文而運氣出于後人故皆以濕立言如陳無擇輩雖



稍有所闡發。竟依倣為之說。寔為可惜矣。或又云。子已以瘥為燥。而其虛甚者。必主附子。附子燥熱之藥。矧仲景治瘥方中。無用之者。無乃不可乎。予曰。否。生氣通天論云。陽氣柔則養筋。譬如霍亂轉筋。因吐利極甚。陽氣大虛。津液枯燥。不能養筋所致。前賢諸方。多用附子。理中湯。凡汗多亡陽。津液從而漏。筋紐失養。拘急。瘥者。非附子則不能挽回。蓋氣水合一。必然之理也。雖然。如亡血產後。陽盛陰虛。或有不中與者。乃參歸湯。人參建中湯。及景岳滋補數方。當採擇而用。第此間瘥病甚稀。蓋因風氣使然。故試驗無多。臨病之際。學者在思而得。焉豈可執一定之見而斷乎哉。元堅曰。先君子撰此篇之後。廿餘年而著金匱輯義。

但舉其畧。故不刪節。具錄如右。其如去以試驗無多。未敢斷之。則雖慎重之至。想必不能外此說矣。

先君子憂痲疹近多危証。輯既效諸方。以作輯要方。又本祖考之意。增以所見彙為一卷。名曰心得。而更擬類前人要論。撰纂類一書。惜所成僅數篇。餘未屬藁。元堅恐其葉頁短少。經久散失。備錄于茲。

**名義** 細粟如麻者。俗呼為麻。即膚疹也。三微者其邪在府。癸為細疹。狀如蚊蠅所螫。點々赤色。俗號麤瘡。聖濟細疤遍於肌膚之上。如沸瘡。泡子見而漸沒。名為疹子。一名膚疹。一名膚瘡。俗名麻子。或曰沙子。是也。熊氏北人謂之糠瘡。南人謂之

類証



楚瘡吳人謂之痧越人謂之瘡古所謂麻聞人氏所謂膚疹是也準一見紅色出而復沒沒而復見者謂之層疹北人謂騷疹也治痘天地間疹戾不正之氣故曰疹也然其名目有異在蘇松日沙子在浙江曰醋子在江右湖廣曰麻在山陝曰膚瘡曰糠瘡曰赤瘡在北直曰疹子各雖不同其証則一景京師內外名曰溫疹河南名曰糗瘡山西陝西名曰糠瘡山左名曰疹子江南浙江名曰痧疹湖廣江西名曰麻疹又名船子福建廣東廣西雲南貴州四川俱名疹子顧晉子蚤疹在馮李則名痧子而痧脹亦名為痧不可不辨玉衡按紀名疹診也其有結氣可得其形而名之曰字箋瘡疹也蓋瘡錯也以其錯出肌皮以作瘡騷蚤也皮間點々狀如蚊蚤所咬也其他多土音習俗之訛

耳

形色古謂麻即疹也疹出如麻成朶痘出如豆成粒皆象其形而名之也保麻疹浮小而有頭粒隨出即收不結膿疱有如癩風疹疣瘡擁起如雲頭色未成斑隨見隨沒者有如粟米頭粒三番俱見而不沒至三日後方收漸沒者然皆謂之麻疹準其邪發於皮膚之上出為細疹狀如蚊蚤所咬點々紅色赤斑遍身甚則疊腫有小顆粒隨出隨沒沒則又出纂通身紅赤起而成粒勻淨而小斜目視之隱々皮膚之下以手摸之磊々肌肉之間其形如疥其色如丹色貴紅潤形貴尖聳若色雖紅潤而不起二便艱澀者清熱透肌湯如色淡不起二便如常此屬



本虛兼當培養氣血亦有色黯大便秘結唇口燥赤者為火邪  
內貯白虎湯加玄參荆芥其有色白不分肉地惟點粒高聳  
時即沒者邪熱本輕也然有表氣本虛而色白者調護溫煖越  
一二日自變紅活也若正出時為風寒所遏而色白如膚必毛  
竅竦栗葛根解肌湯或麻出片為一破風寒便變為白身不發  
熱而反內攻煩躁腹痛喘急者危如毒攻於胃則嘔吐清水  
攻於脾則腹脹不食攻於肺則鼻塞喘促攻於心包則唇舌焦  
燥不省人事搖頭掣手攻於腎肝則變黑而不救也若色紫赤  
而黯是火毒熾盛頂粒起者可治宜清涼飲子識語煩躁者黃  
連解毒湯調益元散枯燥不起者難治若頂粒焦者無論紅於

皆為熱劇之候並宜白虎湯重用石膏乾燥無汗加麻黃以汗  
之大便秘者涼膈散下之亦有麻癸如雲頭大片其形有二一  
者大片嫩赤一者大片之上復有小紅點粒皆火邪熾盛所致  
白虎湯加玄參竹葉若麻出斑爛如錦紋或出膿血腥臭不乾  
心胸煩悶嘔吐清水身濕熱者白虎湯加黃芩茅朮若初發時  
有似斑屑者乃風寒在表而成癰疹祇宜疎解俟麻一透其疹  
自退切勿誤認為斑而為苦寒之劑致麻內陷而難救也通凡  
出疹見標之後形似麻粒大粒而尖稀疎磊落再後成片紅  
色滋潤者順若初出一時湧出不分顆粒深紫色者險黑色  
者逆昔人云痘喜稀疎麻宜稠密雖如漆瘡通紅一片亦不



足慮以其出之外即可免夫內攻顧始見點於皮膚之上形若麻粒色若桃花間有類於痘大者此麻疹初發之狀也形尖疎稀漸次稠密有顆粒而無根暈微起泛而不生漿此麻疹見形之形大異於痘也鑑痘瘡貴三四次出謂出勻麻瘡貴一奇湧出謂出盡麻子只要得出便輕減以火照之遍身如塗朱之狀此將出之兆出形細密與痘瘡密者相似但疹子隨出隨沒非若痘子之以漸長大也出形鮮紅與傷寒發斑相似但疹子粒少成瘡非若斑之皮紅成片如蚊迹之迹也萬氏按斑者有色點而無顆粒見保壽傷寒多有此証景岳則云痘之有疹疹之外又有麻疹所謂疹即麻疹疹即癍萬氏諸家之言左矣是必凡疹初未見標之時先必謬說使後人不能無迷故舉于此

身熱頭疼欬嗽或作吐作瀉或鼻塞鼻流清涕噴嚏眼胞腫腮赤煩躁不寧細看兩耳根下頰項連耳之間以及背脊之下至腰間必有三五紅點此乃疹之報標若無紅點之証候當以別証論此屢試屢驗者也如果有紅點與前証相同宜用宣毒表發湯加芫荽為引以托之外出不必拘吐瀉疹出而吐瀉自止顧

**疹期**出疹之候初熱一日至次日雞鳴時其熱即止止存五心微熱漸見欬嗽鼻流清涕或腹中作痛飲食漸減至申酉之間其熱復來如此者四日用手端按髮際處甚熱其面上熱少減二三分欬嗽連聲面燥腮赤眼中多淚噴嚏頻發或



忽然鼻中出血至五日其熱不分晝夜六日早時其疹出在  
面頰下細小紅點至午時面手背并腰下及渾身密々俱有  
紅點七日並遍掀突其鼻中清涕不流噴嚏亦不行七日晚  
面頰顏色漸淡此驗出疹之要法萬吾吳水土濡弱之鄉生  
氣最易萌動故麻疹之發自始至終不過二三日即安從古  
迄今靡不皆然爾來風寒變遷有似北方氣候即尋常麻疹  
必六七日乃化稍若熱勢未盡或觸風寒或犯飲食變証百  
出其危有甚於痘者通疹在痘前者痘後必復疹惟痘後出  
景岳按準繩云出於痘前者名奶疹子  
疹者方為結局出於痘後者名正疹子者非正疹子故復疹  
也凡正疹由於胎毒其出也必在出痘之後或隔兩三年或隔

半年一年之久甚至八九年之遠感正疹之氣而出次後再  
復出矣顧氏

享和癸亥麻疹大行時先君子製劑孟介石治痧神方募施窮  
氓又疏禁忌刷印頒行藉得全濟不欺其功溥矣今列于左

一避風寒為要如暑日亦忌得時

一用藥忌一切辛熱補滋及燥痰之劑

一飲食忌冷若熱煩甚飲以冷水或藥冷服然勿妄施

一忌食諸物 諸果 酸味 鹽味 諸辛 葷腥 酒

油膩 麪食 諸鳥 諸魚 香炒已下十二日後熱

豆腐 蔗糖少食 蜂蜜 木魚 香葷 茄子以下二十

忌食

忌食

忌食

忌食

忌食

忌食

忌食



已清解者清解者 薤菜 醬瓜 鯛鯛者 鰈鰈者 雞魚

一一切不潔之物不可得近又忌聞惡臭

一熱未清解不可強進飲食

一渴飲湯茶必作吐瀉宜代用菜豆燈心炒米等湯又西河

柳二錢水煎代飲尤妙

一熱解諸証皆平後芥菜荊芥防風三味等分水煎浴身凡

浴不宜生水

一古人有痘前疹後之戒故諸禁忌當遵用至五十日重者

百日又尤忌慾事

一宜食諸物 百合 欬冬 慈菇 勃腓亦可生食 瓠畜

芥恐艾

梨亦可生食 薇 山芋 豇豆 麩 菜豆 越瓜 冬瓜

麥麩 葛粉 大豆 小豆 菜豆 牛蒡後出疹忌

以上並煮軟食

平戶候清嘗問痔之所由先君子書一紙以答其畧曰痔之為病古今醫書及佛典所載其目頗繁要之未有不由下焦濕熱者故經曰因而飽食腸澀為痔東坡曰主人枯槁客自去言此疾本由過食膏粱濕熱鬱蒸生蟲所致故斷厚味節飲食則蟲去而愈矣然有其人未曾縱酒食而患之者歲或愈或發者是先天自然之宿毒而非可能治亦幸有歲月久遠其毒自盡而瘰者若用數斂藥且夕取效則變致他病遂為危証故治此疾



先隨一時所顯証候而用藥不敢深治。最以調攝為要。調攝之法以節飲食為先。其次則勿久坐。又其次則省思慮。蓋久坐則下焦壅遏。思慮則運機阻滯。俱能溢釀濕熱。故調此三者則未有增劇者也。

又嘗代祖考撰答人論脚氣書一篇。曰。辱書縷々數百言。為問某治日本橋絲帛舖一甲幹處療之方。非其對否。嗚呼。足下何老而好方之篤也。然而熟讀來書所言及其歷舉三不解。而所以異某者。其真似不解。古人方論之旨。而執一偏見以律之也。某雖不敏。豈不述所研揣乎。蓋甲幹病。其初雙脚瘡痺。跖胫微腫。已而腫及遍身。小便澀少。心腹脹急。呼吸短促。有將攻心之勢。

症

某謂此乃古經方所載。脚氣腫滿已。因以外臺唐侍中檳榔等六味方。更加犀角。牽牛子。兼用葶藶丸。不日而瘥。夫脚氣之為病。至其水氣擁溢。府藏浸漬。皮膚為腫。滿脹急。等証。與水病無大異焉。故古人方藥。彼此互用。可觀外臺諸書而見也。况渠証明為脚氣。故用脚氣藥。而其藥與病對。是以霍然奏效。宜無復異論矣。而足下引千金云。脚氣病原無。中土有焉。嶺南地方。踏熱土而所患也。因以為斯邦嶺南風土自異。無足踏熱。被火毒中傷之理。故脚氣特彼邦嶺南地方患之。而我邦無有病此者。遂謂用脚氣藥。治水病者。即惑俗欺愚。以賣術之流也。噫。何足下所見之隘。而議人之輕也。某攷千金論云。夫風毒之氣。皆起

感賞惑



於地。地之寒暑風濕皆作蒸氣。是常履之所以風毒之中人也。必先中脚。久而不瘥。遍及四肢腹背頭項也。未嘗見踏熱土而得之之說。是可疑矣。又云。近來中國士大夫。雖不涉江表。亦有居然而患之者。良由今代天下風氣混同。物類奇苛。所致之耳。又外臺蘇長史論云。近入京以來。見在室女及婦人。或少年學士。得此病者。皆以不在江嶺。庸醫不識。以為他病。皆錯療之。多在死者。風氣毒行天下。遍有。非獨江嶺間也。則知脚氣之病。不特嶺南江表人患之。天下遍有也。夫天下遍有。則謂我邦獨無。罹此病者乎。又千金云。凡四時之中。皆不得久立。坐濕冷之地。亦不得因酒醉汗出。脫衣靴鞵。當風取涼。皆成脚氣。外臺

在恐有

蘇長史又云。脚氣之為病。本因腎虛。多中肥。溢肌膚者。無問男女。許仁則亦云。脚氣有數種。飲氣下流。以成脚氣。飲氣即水氣之漸。亦有腎氣先虛。暑月蒸熱。以冷水洗脚。濕氣不散。亦成脚氣。元李東垣辨北方脚氣所得之由云。夫乳酪醇酒者。濕熱之物。飲之屬也。加以奉養太過。亦滋其濕。水性潤下。氣不能响。故下注於足胫。積久而成腫滿疼痛。此飲食下流之所致也。可見脚氣不特由嶺南瘴氣而發也。如瘴毒脚氣。外臺及聖惠方中。別有一門。是亦脚氣中之一証耳。我邦嘉慶中。梶原性全著萬安方。立脚氣一門。載方百餘首。則知我邦五百年前。已有斯病也。夫脚氣之病。是下所萃去去者。正其一端而已。至其要化証候。

一

變



種々前哲諸書所論歷々可攷矣如甲幹所患究竟因久坐受  
濕下部壅滯加以滋味中焦不運水飲下注漸浸漬府藏所  
致也足下之言云宜順氣利水其所用檳榔等味即順氣之劑  
牽牛即利水之品也其加犀角者防攻心罷耗也既如此又何  
容疑又何足異甲幹所病果是水病陽腫而非脚氣耶則外利  
水順氣則無則可議若治水病以脚氣藥者為非當耶則如腎  
氣丸一方治虛勞之劑乃借治脚氣上入少腹不仁亦借治消  
渴治水病治短氣其謂之錯療歟古人此類極多不勝俚指此  
謂之活法也今甲幹所病斷然為脚氣無疑其愈亦全為藥之  
效不須辭費而明矣若不知是其脚氣為他病錯療之水氣凌逆

絳宮失保不死而何此蘇長史所以諄々垂訓也某結髮以來  
讀孫王二氏書視所謂脚氣者不下數十人依其法而療之莫  
不奏效者私心以為有所得矣豈謂有如足下致疑者昔張子  
知有言曰吾不幸不遇病可補者抑足下亦不幸而不遇所謂  
脚氣者乎嗚呼足下之好方也篤矣若以某之言為不介宜熟讀  
千金外臺瀏覽宋元而降諸家方論猶且驗之於病者有與甲幹  
同証者則自知某之非謬妄矣亦何用夫嗥々乎去冬得書來  
將亟裁之報而據此意奈何官務鞅掌無暇下筆日復一日因  
循至今延握之罪幸恕有元堅曰此篇詞達理精不第甲幹患  
狀抑於此病掘抵搜根殆無餘蘊學者宜熟玩而深體焉



又晚年欲錄其治驗。漚為一書。惜未果而逝。頃探舊篋。得此數則。雖洵一齋之味。庶可以窺其術之神矣。  
小野久五郎乃政年十八。妊娠彌月。胎水漸盛。遍身洪腫。下體尤甚。口舌生瘡。爛壞不能啖鹽味。日啜稀粥。僅一二椀。小便赤澁。大便隔日一解。脈滑數有力。醫以為胃虛不能攝水。與參朮等藥。勢殆危劇。遽邀予理之。予曰。胎水狹濕熱者。非胃虛也。投以猪苓湯加車前子。黃連山梔子。蓋車前子一名茺菹。不止利小便。亦取毛詩云宜懷娠之意。服五六日。逐漸小水快利。腫脹稍散。口中亦和。飲啖復常。因改用紫蘇和氣飲加白朮黃芩。至月盡而誕男兒。母子兩全矣。

御藥局小吏兒生五箇月。吐乳日六七次。無他証。惟面色青白。似稍疲倦。父母憂之。請理於予。予曰。此責在小方脈科。敢辭焉。渠曰。凡小方科。理吐乳。非錢氏白朮散。香砂六君子之屬。則涼膈散。紫圓之類。其變慢驚。慢脾者。比比皆是。願君別為處置。以救厥大命也。懇請不已。予因撮一方以與之。半夏為君。茯苓為臣。藿香伏龍肝為佐。丁香為使。生姜為引。每貼一錢水煎。別以正養丹為散。以挖耳頭挑散子入口中。而麻子許。以前藥汁送下。日五次。不決旬而吐止。神色復故。此予常用理翻胃方。藉以療吐乳。未足為奇。然而唾科從不用此等藥。株守常套之劑。聽其大殤。果何心也。



一商家僕年廿歲請予藥曰患膿淋數日時微寒熱飲食少進餘則無他異焉予診之脈沈小而數腹中無異狀第似神色不太樂者予謂肝經濕熱耳因與龍膽瀉肝湯後十餘日忽使人來告曰下血數升命在須臾請速來救焉予徑往入病者室仰臥蓐上氣息綿惛診之六脈洪數而虛急灌獨參湯湯入咽便吐出而不納尋之以乾嘔額汗淋漓苦亦極矣忽吐蚘蟲陸續七條嘔逆益甚因投小半夏加茯苓湯更加蜀椒烏梅猶吐出而不納予沈思謂孫真人以甘草止吐今用之蚘必安矣遂用甘草單味錢許煎服之吐忽止氣息忽平傍人皆將更蓐除污穢先就褊被視下體陰囊破壞有孔如刺雙卵墜在眾人驚

白

愕駭予予直就而觀之卵大如鷄蛋而稍扁色白而紅縷纏繞昔江篁南以陰囊破裂為千古稀見况此陰囊墜而在蓐上抑可謂奇中之奇矣眾人乃環遠問余曰辜丸者命脈所係今也如是死在頃刻欵予曰人有閹豕有獬此皆割勢者而犹能保生此人盖徵毒結于陰囊故有此變與壞鼻蠟蝎癸亦無甚異矣調護得宜當不死矣病家以予弱冠不敢任治邀一老匠療之渠投以八物湯出入三十日而全痊歸其鄉近江云

載其畧

文化二年乙丑十一月水府文公薨時先君子預決不救人服其先見後自記其事以為覆轍之戒其畧云初公登園大便不



快胸懣氣短兩三日間或愈或死仍名某診之脈滑帶數而無根帶面色青慘胸腹殆無動脈心下拘急微滿而脘下空軟按之無力其上盛下虛煥然無疑然侍臣以起居之平無察知者某出而語曰公病雖與支飲類此由中氣虛亡誠為危証治法宜用峻補之藥加入沈香更進黑錫丹以回陽鎮逆犹恐不及侍臣聞言始大驚惶犹或不然明日又診其脈十數動一止且侍臣曰昨吐黃褐痰者二某曰是脈是証俱藏真竭絕之候益為可懼須灸天樞氣海三里絕骨等穴以培下元然侍臣犹進緩々降氣之劑不肯為意至日晡又登園短氣者劇卒然昏倒不省人事急使人召某某入診之其脈既絕非刀圭可復下嗚呼公

之疾縱是屬不治若使人人見機察微則豈使逡巡之際致此變逆乎來者宜鑒焉

櫟蔭先生遺說卷上



櫟蔭先生遺說卷下

男元堅謹錄

蝦夷地方有一異疾其証大約類脚氣而腔腿生紫赤斑齒斷腐爛劇者或吐血或淳下臭穢或唇腫出血或牙齒脫落醫士新樂開叟嚮在聲獨羅勿營中視療頗多嘗語某如此仍併更所聞參明清諸家以為之攷然所未經眼錄俟後攷

按明

孤竹王璽撰武林集要內載青腿牙疳治方數首至乾隆敕修醫宗金鑑叙詳論之此証與其說相為吻合乃知是青腿牙疳茲載其畧云青腿牙疳自古方書罕載其名僅傳雍正年間北路隨營軍官陶起麟頗得其詳云軍中凡病腿腫色青者其上



必發牙疳凡病牙疳腐血者其下必發青腿二者相因而至此証惟內地人初居邊外得之者竟十居八九蓋中國之人本不耐邊外嚴寒更不免坐卧湿地故寒濕之疾生於下致腿青腫其病形如雲片色似茄黑肉體頑硬所以步履艱難也又緣邊外缺少五穀多食牛羊等肉其熱與濕合蒸於胃毒火上薰致生牙疳牙齦腐腫出血若穿腮破唇腐爛色黑即為危候

金鑑活絡流氣飲有姜附加味二妙湯有黃蘗蓋其地嚴寒又濕熱內鬱故二方似宜施用然藥品重複其效緩慢恐難奏效開叟又曰其地冬日雖在屋內霏雪侵迫衣被冷濕使人齒浮胸痞蓋此病所因起若厚被溫衣能免其害至隸卒莫由防

之故患者特多

嘗聞一吏於沙里得疾脚掌腫痛腿生紫黑斑時有患此証周身洪腫呼吸短促二便閉塞以至困斃者渠懼速瀉丸下利五六行遂得快復他人習用亦多全活此証雖無新爛之候想是一証其毒不薰上者蓋寒氣輕重使然

某弟子石田春澤亦在彼地治此疾諸藥不驗仍用今朝經驗六物解毒湯倍土茯苓以治數人土茯苓健脾胃強筋骨祛風濕為黴瘡君藥其治此疾蓋取于此 開叟曰嘗用犀角有神功又曰彼地用巴豆其力殊弱蓋犀角解毒之聖藥固所宜主寒地皮腠開綴必蓄內熱巴豆性熱所以少效西域聞見錄稱



温都斯坦以大黃至寶今如彼地亦聞用大黃則必峻利即經所謂寒方以寒熱方以熱之義也此疾土人無有內地人惟多患之按內經云魚使人熱中蓋其地多魚以致過食故必內熱而為齒斷腐爛如洄寒外浸而發腫斑痛等故欲治之無如解毒泄濕清熱三法為又當預防其法須多衣被不冷濕又勿多食魚鹽則外寒不迫內熱不生庶免其患又犀用紫雪碧雪萬病解毒丸之類非外地速辦者須預收貯以為未然之防

金鑑有服馬腦法方息宗集中亦記其事聞彼地野馬極多冀採自死者以試又金鑑載砒刺出血法當是洩毒最速元堅聞彼地隨常一醫言曰此法功効奇絕遠勝藥劑正知先見之不違

預防脚氣法 脚氣所因有濕邪中足壅寒經脈而致者有腎氣不足飲水失道而致者有高梁過度脾胃濕鬱而致者故預防之法忌久坐陰湿地或着滋濕衣或冒霧而行或步久雨乍晴地氣蒸達之處忌過食魚鳥餅菜一切厚味忌大酒及醉睡忌欲事過度及醉後入房忌久坐久立及行步勞動俱失其節慎茲五者則不止脚氣而諸病不生誠久視之良訣也

小兒吐乳雖有數端大細不過虛寒二途蓋有胎元胃虛不能消化乳汁以導下部而吐者有飲乳過度結成癖積拒格新乳而吐者又有胎毒隱伏腸胃之間格拒乳汁或兩者相搏遂為頑涎結聚胸膈而吐者此証特多患者而貧賤最甚故治之之



法宜用清涼者多然亦有宜温補者亦不拘攻補宜從中治而消痰化食降氣殺蟲以奏其効者當隨証處治

單參即朝鮮人參非有別品按朝鮮所齎人參凡有二品其一為大人參其二揀其細者一根或二三根相合一偏付根鬚米糊粘着又造蘆頭製為一根者即此品也氣味與大人參不異今藥舖更水潤折之名控離其鬚須各相折然大人參塗以蜜水故質理稍異而亦有數等其下品者數經製造或單參擬造大失其性故用單參反為勝

蜜陽參亦出朝鮮國慶尚道光紅結實似上品物然本草稱參貴有餘味此不特無餘味咀之似灰製者而但甘不苦且指搗煎滓

則脆軟如糊危急之際豈可施用又聞吳商貴此品按彼邦俗貴光實者而最珍此參此品與彼相類蓋此朝鮮擬造其形者而吳商不辨也北參產滿洲烏喇古寧地琉球國歲入夏彼邦時天子賜以此品又諸根漬灰湯內曝乾則質

蝦夷產厚朴與本草高州者同一類比舶上真者色質少異又

彼則嚼之真覺苦味此則咀嚼頗久漸生苦味亦戟人咽然較之內地所產者味厚而辛與本草氣味相合近時舶上者極少

當以此代用元堅曰青腿牙府至此鈔出劉子中

醫賸八卷二筆一卷文化戊辰刪定為三卷刊行于世然其棄餘亦多可增意見者畧錄數則于此



吮字 十六難掌中熱而吮查字書吮音拙不叙其義盧庶讀  
為吮滑壽以為乾吧並不見所據按肘後方引金匱乾吧噦若  
手足厥者橘皮湯方云治卒吧噦又厥逆方又載靈柩治噦令  
嚏法云卒吮不止方則知吮乃噦字後關治人書叙音吮音噦  
於月切噦同義正與余所見符矣元堅按王履亦曰吮與  
噦蓋字異而音義俱同  
麝香 王士正香祖筆記引趙統伯一驪集去前人言麝啞也  
食柏而香結退脬而藏覆以自珍吾邑會稽音無柏麝將何食  
麝春和其脬自張獵諸花卉得其香而括之蠅蠟集其脬臙然亦  
括之凡諸花香蟲由皆香材也遇蛇回旋數周撐足張脬以當  
之蛇自起而納諸脬獵人得其脬或收蛇不既者或收而未化

化而不盡者大抵蛇為其香之主也此說畧與本草所言符矣  
予謂今麝香必是製造之物聞吳船所齎年不下數百斤不  
知併中華所資而其幾千斤香一枚則所採于獸一頭香一斤  
則所得于獸二三十頭矧出地有限且所謂香麝者山林所產  
非狗鼠之比而購諸崎嶇大率一斤價不過二三金縱令盡中  
華而獲之豈能如是多而價賤乎因斷以製造物矣後家君門  
人和元真謂予曰元真祖某傳製鹿射香法於唐山賈人其法蝮  
蛇六十條鹿胎子新採者一隻清酒二升右收瓶中瀝青固濟  
瓶口瘞土內三年始成取得外包以鹿胎皮若不洎期月發開  
者洞々不結不堪作囊蝮蛇鹿胎二物都下一時難致故不易



製造錄以俟他日云予偶細察麝脐中毛皆中空如管脆軟  
獨皮渾脫者皆毛似膏猪而腹毛脆軟中空與麝中物無別有  
紺珠經心印紺珠經二卷胡文煥校本不著選人姓名及觀嘉

靖中趙羸所刻本乃云元朱其受業于李湯卿之門而得傳心  
之書九篇其子搗字好謙筆之於書者詳見序中閱錢曾讀書  
敏求記云羅知悌心印紺珠一卷知悌字子敬号大無先生集  
六散三九十六湯以總持萬病此可疑焉又李樾入門正氣天  
香湯方下引紺珠今本無之不知李之所信別是一書否

日華子 日華諸家本草廿卷掌禹錫云因初開寶中明人撰  
不著姓氏但云日華子大明序時珍云日華子盖姓大名明也

或云其姓田未審然否鄞縣志云日華子姓大名明開元時人  
集諸家本草近世所用藥各以寒温性味華實蟲獸為類其言  
近其功用甚悉凡廿卷明正統間三山鄭瑄守寧見延祐志因  
標云陳藏器與日華子但四明人志逸其名今補之古今醫統  
日華子陳氏北齊鴈門人深察藥性擅辨其微本草經方多由  
註疏至今賴之陳田一聲時珍引或云豈言此欤又郁穆鐵網  
珊瑚云瑣碎錄廿卷宋古靈陳晔日華撰按婦人良方有陳日  
華疑即是也元堅按區藏目錄云鴻飛集七十二問田日華又  
日華也  
半身不遂桃筋法 令患者平身正坐取一細繩於耳上比頭



顛骨圍截斷取所比繩中摺處正按結喉下天突穴上却翻繩  
雙頭向後有頭下垂脊間於繩盡處黑記此非穴太抵是五椎之次黑記傍一  
寸男左女右以剃刀豎劃劈破皮膜視之皮下肉上筋絡數條  
縱橫纏紐因引針挑之隔二三日更挑之凡挑四五次訖灸其  
上以灼斷餘筋病乃愈凡挑破不覺痛而血不出者乃其真穴  
也凡筋白者病易愈赤者難愈歲月經久者亦難愈元堅按此法未見先君子試用蓋是江湖所得錄俟他日再

五香湯 小兒初生用五香湯未見所出有林福田方云五香  
湯近用為小兒之總治不知有林何代僧本或作有隣驪恕公  
忠藏古鈔本舊人有跋云東福寺席閑和尚撰有林豈其別號

歟

十黍百黍之訛 陶氏序例云古秤唯有銖兩而無分名今則  
以十黍為一銖六銖為一分四分為一兩明朱載堉律學新說  
云十黍十當作百疑傳寫之訛也予按十黍疑是十黍之訛孫  
氏九章筭經云凡稱之所起始於黍十黍為一黍十黍為一銖  
六銖為鎰鎰即分也淮南天文訓亦云十二葉而當一粟十二  
粟而當一分十二分而當一銖並可以証也而遠祖所撰心方  
引范汪方云六十黍粟為一分又說文銖十分黍之重也然則  
似十黍不可妄改姑存二說以俟明數者  
四眼本草蔓蔓條引陸氏方蜈蚣螫傷菜子細傾地上擦地上



理傷續斷方大活血丹  
合此藥勿令四眼之更  
忌雞犬婦人見之則折  
矣

梗

油搽之即好勿令四眼人見種杏仙方引無人字所謂四眼蓋  
我與彼四眼乃不令人見之謂也葦竹堂簡便方治肉骨魚骨  
梗不要四眼見即將筋來倒轉隨便鉗由一塊急吞下即愈又彙  
聚單方治瘡疾于五更時取大蜘蛛一個用絹或包頭捲了蜘蛛  
縛于病人臂膊上但許一人知見不可四眼見又七修類彙  
治鬼魅厭人法後忌婦人雞犬四眼俱是彼我對看之義耳  
紫荊皮 方書紫荊皮宜用舶來紫荊藤按鄭康寧藥性要  
略大全云紫荊皮乃牛頭藤蔓生者非紫荊花樹也又按瑞  
竹堂經驗方紫荊皮即滑藤根外科準繩川紫荊皮又名紅肉  
又名內消瀕湖綱目紫藤條不載此數名者何

山歸來 邦俗呼土茯苓為山飯來不知出所按吳梅坡醫經  
會元云山竒糧即硬飯塊也經輿府志云山竒糧即禹餘糧也  
知歸來即竒糧之訛音耳

先君子欲撰續醫賸未下筆而僅記其目中有弇州本草序毒  
異胎三條此皆得聞其說因錄于左方

弇州本草綱目序集中無之或疑偽作然查四部續彙有詩  
去蘄州李先生見訪之夕即僊師上昇時也尋出所校定本草  
求叙戲贈之本叟維稍直塘樹便觀僊真跨龍去却出青囊肘後  
書似求玄晏先生序華陽真逸臨欲僊誤注本草遲十年何  
如但附賢郎為羊角橫擣上九天自注君有子為蜀中名令故



云乃知其序，弁州所撰而集偶遺之也。

靈柩寒熱篇云：寒熱瘰癧在於頸腋者，皆何氣使然？岐伯曰：此皆鼠瘻寒熱之毒氣也，留於脈而不去者也。傷寒例云：以傷寒為毒者，以其最成殺厲之氣也，中而即病者名曰傷寒，不即病者寒毒藏於肌膚，發毒害人，其為病由用者，特此畱世人論病開口則言毒，然罕知所祖者。

大隅國肝屬郡垂水鄉中俣村有一婦，廿七歲，經水始通而有孕，三月其胎頓墮，次年復孕，方六月登攀險峻歸家之後，腹痛下血，至明年經行遂閉，而時時腹痛者，凡廿四年，氣血虛憊，殆至危篤，請醫有村紹甫診察，紹甫意是胎猶在胞中，為患投以

利藥，及小便不利，或時急痛，再診其脈弱而無力，因與補劑，累日大便下一塊，兒形畧備，質如軟骨，仍知攀峻之時，脐帶繚斷，元元之氣無以潤養，使然，乃記其事，併其胎以傳于家。時延寶六年秋九月也。此古今醫書所未載，頃從薩老公借觀，其色黃白如蠟，重十四錢，八分長，三寸三分，而頭居半，其圍五寸，亦異事也。

又嘗曰：醫賸所言翠竹翁引線脈事，特出傳聞，而史書未見。近開啓迪集僧策彥序曰：本朝亦醫匠之名世者，光于國史，無世無之。就中丹家嚮三位者，生而得醫髓矣。飛英聲騰茂實時，造詣于艮岳中堂，醫王善述而得隔屏牽絲之妙，奇哉！蓋後人



依此言轉誤者非翁實有其事也。又曰十古方字，匡賡引唐詩，然先見晉書范甯傳。

靈樞識綜概云：呂滄州謂內經靈樞、紹興初錦官史崧併為十二卷，然崧序稱勒為廿四卷，則呂說蓋係失攷。想當時別有為十二卷者，故致此誤耳。項曰：伯子柳汧君得至元己卯古林胡氏刊本內經，跋于其後云：此本題元本廿四卷，併為十二卷，則是呂所見而明趙府居敬堂鰲峰熊氏金谿吳氏所為藍本，可以証先君子之說也。清紀昀等四庫書目提要云：呂氏訛以熊本為史本者，殆宋板大明律之類，踈妄亦甚矣。夫先君子下世有年于斯今也，繙此書而信其見之不謬，徒致楚愴之懷矣。

先君子平生見聞及心有所得，雖一知半解，輒筆記之，以為他日攷驗之地。其說有既定書所未收，因畧摘錄，以使學者。

虛勞及極虛証，間有手指末節以下腫黑者，蓋經脈不盈，四末惡血歸之所致。未知前人言及否。

久病不問何症，胸肋骨露，岐骨如細髮者，少得生。仲景曰：少陰病，脈微細，但欲寐，少陰邪深入裏，陽氣衰竭，故有此証。然不止此，諸久病語，話飲食之際亦眠者，死候也。

証治要訣曰：諸中忽吐出紫紅色者，死。然驗之諸病皆然。

痰火點雪云：勞疾左脇痛，不能轉身者，此乃肝葉已乾，名為乾血痛。肝經已絕，死不治。按此說，本于直指，而其証今多有之。世醫



謂兼肝積用熊膽等丸嘗無其效者固

有一區話水腫脚氣心下生瘡塊其當衝心不衝心各自有辨其塊浮顯按之易知者多不衝心其塊沈着按之難認者必衝心臨証之際宜精審

祝氏心醫集云瘧疾每日如期而至名曰瘧信此當原証發散未可直攻未可截也或前或後此正氣漸旺邪將不容名曰瘧衰方可截之試之甚理

痢疾虛而不虛實而不實用參歸芍藥湯兼耳聾氏治痢第三方米糊為丸白湯送下

今人謂病發於神思証候多端難以一定者名癩証殊為不

協按是素問所謂氣疾也又戴原禮曰心風者精神恍惚喜怒不常言語時或錯亂有癩之意不如癩之甚亦痰氣所為也宜星香散加石菖蒲人參各半錢下壽星圓蓋亦一証也

東垣所謂蝦蟆瘡即疔腮也治方用普濟消毒飲戴原禮徐應登所謂蝦蟆瘡即天行效也戴用參蘇飲徐用敗毒散加減元按吳又可曰或時眾人咽喉或時音唾俗名為蝦蟆瘡此亦疔腮之類又王氏醫鏡云蝦蟆瘡遍身如蝦蟆之皮皆屬風熱宜疎風散熱之劑治之

玄池說林載立夏啖李子令不疰夏按疰夏之名昉見此王冰至真要論注云外有其氣而內惡之中外不喜因而遂病是謂感也按後世感冒之感正是此義



病源論青盲滯頤嗣面俱不審其義源頤和名鈔作青盲津頤清  
 飼面因致目雖清明不能視物故曰清盲涎出不絕津津至頤  
 故曰津頤脂液凝面形如米粒故曰飼面後閱医心方亦同蓋  
 其所見一為古本病源元刻本亦作清盲  
 今俗所稱疝瀉疝淋疝痢氣瀉証治要訣氣淋病源論氣痢直指方是也  
 勞歎字出濟世方歎論又本綱歎冬條勞歎連々然証類勞  
 上有乏字是乏勞二字連讀或依時珍所改以為其據者誤矣  
 小兒久嗽邦俗呼為百日歎幼科諸科未見載其証者特張氏  
 兒科方要去頓嗽者小兒歎即嗆頓連聲嗽則臉紅吐則嗽止  
 嗽久不已眼腫而目中白珠起有紅絲者即不可用涼藥宜白

附飲蓋頓嗽即百日咳也保赤全書亦云咳甚氣喘連聲不住  
 名為頓嗽甚至飲食湯水俱嗆出或出血此熱毒乘肺而然也  
 活幼心書恙活散治噁煎風熱医学入門作噁煎又譚氏殊聖  
 退雲散治小兒疳眼噁哇饒啼不住噁哇噁煎未卜何解或見  
 呻吟之聲幼々新書杜光庭指迷賦腹痛則惡哭噁哇  
 医說昔有人古上生瘡久蝕成穴累服涼藥不效此亦下元虛  
 火不降投養正丹遂得愈証治要訣作黑錫丹又医宗金鑑有疳疔証並  
 是邦俗所稱疔疔也

治方用小柴胡湯加車前子龍膽等  
 今人淋疾得之徵毒者殊多亦與膿淋不同攷實氏瘡瘍全書  
 有内疔疔之目殆此証也又有外疔疔即莖癢瘡者内疔疔為毒淋可以知也



醫法指南云鵝眼風掌心皮破按此証俗稱水蟲世或以鵝掌  
風為水蟲者非是

人被旋風割斷皮肉者俗名刈鉤<sup>カニノコ</sup>古歷紙燒灰傳愈然未見

曾有言及者但清陸次雲八弦譯史記黔中有鬼名曰風鬼無影

無形能以旋風攝人疑是此証

飯匙草產日向花葉同決明但子扁而稍大能療蛇咬蓋飯匙

亦蛇名此草最解其毒故名按幼幼新書載養生必用治

惡瘡及蟲子咬方中用蛇滅門草去此草口宿以耒皆有人家

種以避蛇形狀如決明葉口子作角其各形狀並相合則知此

即蛇滅門草也又假治鼠毒其效亦捷

服土茯苓必斷鹽味其效最著然本草不說特石天基傳家寶

治梅瘡瘰癧方用土茯苓云忌鹽醋更宜博攷焉又有人說此

物硬者鹽蒸則軟可知為鹽所制

俗方治欬嗽用乾姜末和砂糖服名甘生姜嘗閱朝鮮國村家

救急方云治欬嗽飴糖一斤乾姜末二兩半和勻服之疑此方

所本

蝦夷有一魚牙名旋退夷葺陀漸吐長尺餘白色內層有粟紋

質極堅其功解水腫治諸血証下留飲婦人產後水腫小兒痘

疹發熱之時用之如神消魚鼈甲蜘蛛諸蟲之毒開宿酒爵

其功彷彿於一角毛人常所貴重最一之良藥也難得難得



昇藥見廣筆記想是輕粉諸劑隱名蓋以其升煉而成  
丸非圓轉之謂聖濟總錄云丸者取其以物收攝而已其解似  
是然則彈丸之丸疑亦此義存放

呂覽本味篇凡味之本水最為始五味三材九沸九變火之為  
紀某謂後世九蒸九蕪等之說蓋起于此

大方大藥丸丸大散並是藥料重複者蓋對單方言

世俗所傳奇方大抵出本草綱目附方者多

斯邦醫記藥分量以大中小明人亦有以上中下記者文異義  
同

胸穴名稱有取之天者列缺電名也豐隆雷師也天極北極也又

北斗七星第一曰天樞

按經云天樞臍也  
穴在其傍故名

大乙北極五星中小

者也璇璣魁四星也又北斗七星第二曰璇第三曰璣華蓋亦

星名也在紫微宮此類頗多

鍼收筒中自古已然藥囊鍼筒見翻譯名義集又近時張宗良  
喉科指掌云凡喉鎗必要或銅或金銀外打一小筒中藏利刃  
收放在手捺出則鋒露收之則藏不傷別處矣按斯邦鍼灸  
用此法然未知所據

官醫始見應劭漢官續漢志註引有之

尚方有二漢尚方主方藥又宋大明中改尚書曰尚方

俗稱疾醫為本道按東鑑建保三年時政入道患癰腫痛難



堪招本道外科名醫盡補淳熙之奇術又太平記足利左兵衛督北方有病招和氣丹波西流博士本道外科一代名醫數十人診脈然則其來古矣

嘗觀記永祿以來事一書言醫師翠竹院道三以丹溪流唱于關東普行于世以可見其盛矣

某幼聞先祖考嘗語先考曰望鹿門好讀醫學正傳且用其方是與唱古方于關以東矛盾

韓飛霞曰予每以夜夾跏坐為人處方有經句不能下筆者古人用心之切可以想見未有如今日取次處方者

麻葉有大毒庚申夏都下僧五六人食之皆狂走不輟醫與解

毒藥而愈吳氏本草稱麻葉有毒食之殺人則其不死者殆幸也嘗有一婦食旱芹忽腹痛悶亂余至診之脈緊沈數細腹大如鼓吐下諸藥並不驗而斃一同僚亦曾見之予按此非真旱芹所謂鈎吻葉與芥葉相似誤食之殺人者也

王阮亭居易錄記江寧有蕭生者食香葷則死又有王生者飲茶則死必二三日始甦區無能識其故者誌于此俟明醫或能知之予同僚有吃麥飯必昏倒數時者又有一士食茄子必醉者俱此類也

享和辛酉冬一士家人數輩啖高陸根經一二時皆吐瀉頻併如霍亂藥治四五日始復其故但老人日餘而死金匱高陸以



水服殺人又本草高陸赤者殺人然白者生食亦吐利心煩若  
楚難堪體虛人至死者宜

坪井某說嚮在相州大山見數人食馬齒莧搽胡椒者一時皆  
死又有人話曾見食鱧鯉搽芥子而死者

合面二字見聖惠直訣等嘗疑其義後讀醫說云灸腰眼穴上  
牀合面而卧知卽俛卧之謂

活幼心書老鶴彈一箇煮熟與兒食之據宛委餘編彈即卵也  
脾胃論腸癖者為水穀與血另作一派如唧桶涌出也按唧筒  
用長竹下開竅以絮裹水捍自竅唧水以感火見三才圖會  
喫或作吃忙賈誼新書越王之窮至乎吃山草飲臍水史記倉

公傳憂數忤食飲並是通用

龍樹眼論或作龍木按傳法正宗記龍樹避宋諱作木

又晚年嘗謂元堅曰欲識古人臨証施法之妙處莫如善讀其  
治驗焉予將掇其精英類為一書亦未果惜哉哀哉

樸蔭先生遺說卷下

安政四年丁巳閏五月四日校讀

佐藤長識







